



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Tumulus Nellæ Pontanæ materteræ.

urn:nbn:de:hbz:466:1-13534

NELLAE MATERAE.

Pontanus loquitur.

Nec patria profugus puer, exutusq; bonorum
 Nella tibi aut tumulos, aut pia iusta dedi.
 Nec pro blanditijs lacrimas, pro munere uitæ
 Mortis dona tuo persolui cineri.
 Nella uel affectus matris, uel munus obibas,
 Nella mihi nutrix, Nellaq; mater eras.
 Nunc procul a patria senior iam, dona pheretri,
 Et iusta, & cineri debita persoluo.
 Aeternum mihi Nella uale, ac requiesce sepulcro,
 Et ualeant cineres, & mihi mater aue.

CAECILIAE AVIAE PATER-

nae. Pontanus loquitur.

Pax umbræ, requiesq; urnæ, quæ contegit umbram
 Tura adolete, sacri spargite fontis aquam.
 Salue auia, æternumq; uale. cape grata nepotis
 Munera, nec lacrimas sperne, nec inferias.
 Caecilia & tibi sit tellus leuis, & fluat urna,
 Ambrosia. Ambrosius stillet & usq; liquor.
 Et tibi perpetuum spiret uer, seruet & urnam
 Quam tu seruasti cum pietate fides.

TURPILIAE PVELLAE.

Casta fuit, formosa fuit, comisq; puella.
 Turpilie uerum nomina ini qua tulit.